



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 11-04-34-8910-16/23
Sarajevo, 26.10.2023. godine

**SVIM SREDNJIM ŠKOLAMA
JAVNIM USTANOVAMA
NA PODRUČJU KANTONA SARAJEVO**

PREDMET: Ponovni javni poziv za dodjelu stipendija za talentovane/nadarene učenike koji se upisuju u prvi razred srednje škole, javne ustanove, u Kantonu Sarajevo u školskoj 2023./2024.godini i Odluku o izmjeni Odluke o uvjetima, postupku i kriterijima za dodjelu stipendija učenicima u prvom razredu srednjih škola, javnih ustanova, Kantona Sarajevo u školskoj 2023./2024. godini, broj: 11-04-34-8910-13/23 od 20.10.2023.godine, - *dostavlja se* -

Poštovani,

obavještavamo Vas da je Ministarstvo za odgoj i obrazovanje Kantona Sarajevo raspisalo Ponovni javni poziv za dodjelu stipendija za talentovane/nadarene učenike koji se upisuju u prvi razred srednje škole, javne ustanove, u Kantonu Sarajevo u školskoj 2023./2024.godini. Isti je objavljen 26.10.2023.godine, na internet stranici Ministarstva i potrebno ga je objaviti na internet stranici srednjih škola, javnih ustanova, u Kantonu Sarajevo. Javni poziv ostaje objavljen 15 dana od dana objavljivanja na navedenim internet stranicama.

S poštovanjem,

Prilog:

-Kao u tekstu

Dostaviti:

1. Naslovu;

2. Arhivi.



**PO OVLASTENJU MINISTRICE
POMOĆNIK MINISTRICE**

Ezudin Kurtović





Broj: 11-04-34-8910-15/23
Sarajevo, 20. 10. 2023. godine

Na osnovu čl. 70. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05), čl. 4. i 19. Zakona o izvršavanju Budžeta Kantona Sarajevo za 2023. godinu („Službene novine Kantona Sarajevo“, br: 5/22), ministrica za odgoj i obrazovanje donijela je

ODLUKU

O IZMJENI ODLUKE O USLOVIMA, POSTUPKU I KRITERIJIMA ZA DODJELU STIPENDIJA TALENTOVANIM/NADARENIM UČENICIMA PRVOG RAZREDA SREDNJE ŠKOLE, JAVNE USTANOVE, NA PODRUČJU KANTONA SARAJEVO U ŠKOLSKOJ 2023/2024. GODINI

I - OPĆE ODREDBE

Član 1.

(Predmet Odluke)

Ovom Odlukom utvrđuju se opći uslovi, postupak i kriteriji za dodjelu stipendija Ministarstva za odgoj i obrazovanje Kantona Sarajevo (u daljnjem tekstu: Ministarstvo) za talentovane/nadarene učenike prvog razreda srednje škole, javne ustanove, na području Kantona Sarajevo u školskoj 2023/2024. godini te prava i obaveze korisnika stipendija.

Član 2.

(Naziv stipendije)

Naziv stipendije glasi: Stipendija Ministarstva za odgoj i obrazovanje Kantona Sarajevo za talentovane/nadarene učenike prvog razreda srednje škole (u nastavku teksta: stipendija).

Član 3.

(Sredstva za stipendije)

Sredstva za stipendije iz člana 1. ove odluke će se osigurati i realizovati iz Budžeta Kantona Sarajevo za 2023. godinu, razdjel Ministarstvo za odgoj i obrazovanje, sa pozicije 614200 LAM007 Tekući transferi pojedincima, program LAM001Z stipendije učenicima.

Član 4.

(Lista srednjih škola)

- (1) Ministrica za odgoj i obrazovanje, (u daljnjem tekstu: ministrica) utvrđuje listu za stipendiranje Ministarstva sa spiskom srednjih škola, javnih ustanova i brojem učenika.
- (2) Javni poziv će biti objavljen na internet stranici Ministarstva i internet stranici škola.

II – KRITERIJI ZA DODJELU STIPENDIJE

Član 5.

(Uslovi i kriteriji za dodjelu stipendije)

Pravo na stipendiju imaju učenici koji ispunjavaju sljedeće uslove:

- a) da je državljanin Bosne i Hercegovine;
- b) da je redovni učenik srednje škole, javne ustanove, iz člana 4. ove odluke koji prvi put upisuje prvi razred u školskoj godini za koju se dodjeljuje stipendija,
- c) da je osnovnu školu završio sa prosjekom 5,00 i primjernim vladanjem (od 6. do 9. razreda)
- d) da je dobitnik nagrada za ostvareno prvo mjesto na kantonalnom, federalnom, državnom i međunarodnom takmičenju iz nastavnih predmeta: matematika, informatika i fizika.

Član 6.

(Izbor stipendista)

- (1) Izbor kandidata za stipendiranje vrši se na način da škole iz člana 4. ove odluke objavljuje Preliminarnu listu, najkasnije 8 dana od dana zatvaranja javnog poziva na posebnom obrascu dostave rang-listu upisanih učenika u prvi razred sa podacima po osnovu općih i posebnih kriterija za upis i dokazima koji su propisani članom 5. ove odluke.
- (2) Stipendije će biti odobrene za najbolje rangirane učenike upisane u školu iz člana 4. ove odluke na osnovu kriterija iz javnog poziva za upis učenika u prvi razred srednjih škola sa područja Kantona Sarajevo.
- (3) Proceduru i izbor kandidata provodi Komisija koju imenuje ministrica.



- (4) Komisija za svoj rad odgovara ministrici.
- (5) Komisija je dužna utvrditi preliminarnu listu stipendista za tekuću školsku godinu najkasnije u roku od 7 dana od dana dostavljanja liste iz stava (1) ovog člana.
- (6) Preliminarna lista stipendista dostavlja se školama iz člana 4. ove odluke u roku od pet dana od utvrđivanja iste i objavljuje se na internet stranici Ministarstva.
- (7) Škole su obavezne upoznati sve učenike upisane u srednju školu iz člana 4. ove odluke sa preliminarnom listom stipendista.
- (8) Roditelji/staratelji upisanih učenika u srednju školu iz člana 4. ove odluke mogu izjaviti prigovor ministrici u roku od tri dana od dana objavljivanja preliminarne liste stipendista.
- (9) Ministrica će u roku od pet dana donijeti odluku o izjavljenom prigovoru te utvrditi konačnu listu stipendista.
- (10) Konačna lista stipendista dostavlja se školama iz člana 4. ove odluke u roku od pet dana od utvrđivanja iste i objavljuje se na internet stranici Ministarstva.

Član 7.

(Prednost za dodjelu stipendije)

U slučaju da dva ili više kandidata imaju jednake uslove za stipendiju, prednost će se dati kategorijama lica naznačenih u Zakonu o dopunskim pravima boraca Bosne i Hercegovine.

Član 8.

(Iznos stipendije)

Iznos stipendije utvrđuje ministrica posebnom odlukom, a isti će ovisiti o raspoloživim sredstvima u Budžetu.

Član 9.

(Izuzete za dodjelu stipendije)

Pravo na stipendiju kandidat ne može ostvariti ukoliko je već ostvario pravo na stipendiju od javnog sektora (općine, Grada, kantona, FBiH, BiH, fondova, ministarstava i javnih preduzeća), organa uprave bilo kojeg nivoa vlasti u Bosni i Hercegovini.

Član 10.

(Ugovor)

Stipendija se dodjeljuje nakon provedenog postupka, a na osnovu kriterija propisanih ovom odlukom nakon čega Ministarstvo sa roditeljima/starateljima učenika zaključuje ugovor o dodjeli stipendije.



Član 11.

(Isplata sredstava)

- (1) Stipendije se isplaćuju jednokratno ili u ratama, ovisno od priliva sredstava u Budžet Kantona Sarajevo. Ostvarena novčana sredstva od stipendije se ne vraćaju.
- (2) Ukoliko učenik, dobitnik stipendije u 1. razredu škole bude naknadno upisan u srednju školu, privatnu ustanovu, dužan je vratiti dodijeljenu stipendiju.

Član 12.

(Stupanje na snagu)

Ova odluka stupa na snagu danom donošenja, a ista će biti objavljena na zvaničnoj internet stranici Ministarstva.





Broj: 11-04-34-8910-16/23
Sarajevo, 26. 10. 2023. godine

Na osnovu čl. 70. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05), čl. 4 i 19. Zakona o izvršavanju Budžeta Kantona Sarajevo za 2023. godinu („Službene novine Kantona Sarajevo“, br: 5/22) i člana 5. Odluke o izmjeni Odluke o uvjetima, postupku i kriterijima za dodjelu stipendija učenicima u prvom razredu srednjih škola, javnih ustanova, Kantona Sarajevo u školskoj 2023./2024. godini, ministrica za odgoj i obrazovanje raspisuje

PONOVI JAVNI POZIV

ZA DODJELU STIPENDIJA ZA TALENTOVANE/NADARENE UČENIKE KOJI SE UPISUJU U PRVI RAZRED SREDNJE ŠKOLE, JAVNE USTANOVE, U KANTONU SARAJEVO U ŠKOLSKOJ 2023./2024. GODINI

Javni poziv za dodjelu stipendija za talentovane/nadarene učenike koji se upisuju u prvi razred srednje škole, javne ustanove, u Kantonu Sarajevo u školskoj 2023./2024. godini traje 15 dana od dana objavljivanja na internet stranici Ministarstva i internet stranici srednjih škola, javnih ustanova, u Kantonu Sarajevo.

Član 1.

(Izbor kandidata)

- (1) Izbor kandidata za stipendiranje vrši se u skladu sa Odlukom o izmjeni Odluke o uslovima, postupku i kriterijima za dodjelu stipendija talentovanim/nadarenim učenicima prvog razreda srednje škole, javne ustanove, na području Kantona Sarajevo u školskoj 2023./2024. godini
- (2) Proceduru i izbor kandidata provodi Komisija (predsjednik i 2 člana) koju imenuje direktor srednje škole iz člana 4. ove odluke
- (3) Komisija za svoj rad odgovara direktoru škole.
- (4) Komisija je dužna razmotriti dokumentaciju upisanih učenika, utvrditi i objaviti preliminarnu listu stipendista i dostaviti Ministarstvu u roku navedenom u članu 6. stav (1) Odluke o izmjeni Odluke o



uslovima, postupku i kriterijima za dodjelu stipendija talentovanim/nadarenim učenicima prvog razreda srednje škole, javne ustanove, na području Kantona Sarajevo u školskoj 2023/2024. godini.

(5) Preliminarna lista se objavljuje najkasnije 8 dana od dana zatvaranja konkursa na ulaznim vratima škole i web stranici škole.

(6) Na preliminarnu listu kandidat može izjaviti prigovor u roku od 3 dana od dana objavljivanja preliminarne liste.

(7) Prigovor se podnosi direktoru škole koji je obavezan u roku od 3 dana donijeti odluku o istom, te utvrditi prijedlog konačne liste stipendista.

(8) Prijedlog konačne liste stipendista sa kopijom cjelokupne dokumentacije, direktor škole odmah dostavlja Ministarstvu nakon okončanja postupka.

(9) Komisija Ministarstva utvrđuje konačnu listu stipendista.

Član 2.

(Pravo na stipendiju)

Pravo na stipendiju imaju učenici koji ispunjavaju sljedeće uvjete:

- a) da je državljanin Bosne i Hercegovine;
- b) da je redovni učenik srednje škole, javne ustanove, iz člana 4. ove odluke koji prvi put upisuje prvi razred u školskoj godini za koju se dodjeljuje stipendija,
- c) da je osnovnu školu završio sa prosjekom 5,00 i primjernim vladanjem (od 6. do 9. razreda)
- d) da je dobitnik nagrada za ostvareno prvo mjesto na kantonalnom, federalnom, državnom i međunarodnom takmičenju iz nastavnih predmeta: matematika, informatika i fizika.

Član 3.

(Prednost kod izbora)

(1) U slučaju da dva ili više kandidata imaju jednake uvjete za stipendiju, prednost će se dati kategorijama lica naznačenih u Zakonu o dopunskim pravima boraca Federacije Bosne i Hercegovine.

Član 4.

(Iznos stipendije)

Iznosi stipendija za učenike će ovisiti o raspoloživim sredstvima u Budžetu.

Član 5.



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-128

Web: <http://mo.ks.gov.ba>, E-mail: mo@mo.ks.gov.ba

2/3

(Pravo na stipendiju)

(1) Pravo na stipendiju kandidat ne može ostvariti ukoliko je već ostvario pravo na stipendiju od Javnog sektora (Općine, Grada, Kantona, FBiH, BiH, fondova, ministarstava i javnih preduzeća).

(2) Stipendija se dodjeljuje nakon provedenog postupka, a na osnovu kriterija propisanih ovom odlukom.

Član 6.

(Isplata stipendije)

Stipendije se isplaćuju odjednom ili u ratama, ovisno od priliva sredstava u Budžet Kantona Sarajevo. Sredstva dobijena stipendijama se ne vraćaju.

Član 7.

(Lista kandidata)

(1) Listu stipendista objavljuje Komisija Ministarstva po okončanju postupka izbora kandidata.

(2) Lista se objavljuje na web-stranici Ministarstva.



